

# PROKLAMASIE

*Bie de gracie van de Kwakkert en de waalwillendigheid van Vorst Bart I en ziene alwieze Raod van Ellef, 53ste Prins van dees Kwakkertepool,*

## *Saluut.*

*Wae proklamere, det de regering is äövergenaome van Prins Peter III, en det wae as liefspräk zulle veure:*

## **DRAAN....., TÈL DAO MER OP**

**Wae, Teun I,**

**Kómmandeur;** inne orde van de tëlraemkes en inktverprötsers

**Offeseer;** inne orde van de optochtbouwers en alles waat mèt KVW te make haet

**Graaf;** van de Beesstraot, de riekswaeg en 't Vèn

**Landjhiër;** van de Beesstraot, naeve óze groeëtvorst nao 't Niessesträtje, op 't Frans Maanplein aan en van dao-oet äöver de Hubertuslaan op Zus van Caris aan, den bie Tante Bertha efkes linksaaf óm d'r eine te drinke in 't Praothoes, den truuk en tösse meister Indekleef en dokter Jaspaar door, naeve 't aod raodhoes en Harriët op 't kèrkplein aan, bie Annie en Dré kinne wae d'r ouch weer eine drinke, en den tösse dokter Takke en de kèrk door weer op hoes aan

**Besjermhiër;** van mam, pap, Lieke, Nard en Joep

**Groeëtvorst;** van de sjaenetrapers van Heitse 5, én die van de A2

Wae proklamere wiejer;

1. det wae haope, det de Koeleköpkes die inne KVW-waek 't hieël dörp oppe kop höbbe gezatte, ouch mèt de vastelaovesdaag duchtig zulle kwake
2. det 'nne cursus flirte en verleije, eigenlijk mieër thoeshuürtj bie 'nne sjansemaeker, den bie 'nne kwakkert
3. det Jónk Geweldj, joekskapelle oet hieël Limburg, toch mer sjoeën de hieëse haet laote zien
4. det VC Draan en Det Wètj Nemes neet allein kalle in 't Praothoes, mer 'm oppe tied ouch 'n flinke vaeg gaeve
5. det 'nne leechtpyramide hieël get anges is as 'nne laevendje....., zag Sjang
6. det bie de äöpening van 't nuuj park aan de Eykerstokwaeg, degene die mèt 'nne losloupndje hóndj rónjdjepe, groeëter sjäöpsköp waore, as die echte sjäöp
7. det in Heitse allewiel, toch waal erg väöl blauw op straot is
8. det 't blikbaar mekkelikker is, óm 'nne flinke pries te winne bie Plantinga, den óm te raoje waem dae pries haet gewónne
9. det de daeke mèt Köninginnedaag wie 'nne köning, oppe platte ker door 't dorp is gegange, en det VC Draan daonao draan ging wie kappes moos, en det ederein 's aoves de vogel duchtig aaf haaj
10. det wae neet snappe, woeërom det d'r zoeëväöl minse grouwele oppe voetbalclub, want die zeen väörig seizoen toch mer sjoeën äövergegange .....vanne 4e nao de 5e klas, en des se mèt zo'n rapport zeker ouch de 6e kins haole
11. Det wae 't hiebie zulle laote

Gegaeve, det ich mer drie eurkes in bèd haaj gelaege wie Sjang beldje, mèr ich in eine kieër klaor wakker waas.

**PRINS TEUN I**

